

X.
SCYTHIAE DESCRI-
PTIO.
a Plinius lib. 4. c. 11.

Addam ea ratione Scythiā, quæ per oram Ponti Euxini à flumine Phanyso vel Zyra ad Istrum Septentrionē versus extenditur, quæq; sic dicta est à Scythis Aroteribus, qui hanc occupauere, teste Plinio*, vsq; ad Marciani & Leonis tēpora, qui eam recuperatam Hunnis & Zabergano eorū Duci sub tributo concesserunt, positis in illa limitibus Imperij Romani, quos Duci Scythiæ multis cum legionibus, Ducibusque Mœsiarum conseruandos dederunt.

XI.
DARDANIA ET
PRÆVALITANÆ
SITVS.

Dardania Macedoniæ proxima est inter Sardonium & Orbelum montes, terminaturque ab ortu Thracia, à Meridie Macedonia & Orbelo monte, ab Occasu Præualitana, & à Septentrione Dacia Mediterranea. Præualitana verò ab Oriente Macedonia & Dardania clauditur, à Septentrione Mœsia superiori, ab Occasu partim Mari Adriatico quā Adriaticum est, & partim Dalmatia, à Meridie verò noua Epiro.

XII.
MAGISTRATVS
PROVINCIA RVM
ILLYRICI ORIEN-
TALIS.

Porro singulis dictis Prouincijs singuli præficiabantur Magistratus sub Vicarijs Macedoniæ & Daciæ, excepta Achaia, quæ Procōsulem habebat à Vicario Macedoniæ exemptum, & soli Præfecto Prætorio Illyrici subiectū. Macedonia prima, Creta, & Dacia Mediterranea Consulares erant, cæteræ à Præsidibus administrabātur, scilicet Thessalia, Epirus vetus, Epirus noua, & Macedonia salutaris sub Vicario Macedoniæ: Dacia verò Ripensis, Mœsia prima, Dardania & Præualitana sub Vicario Daciæ: tandem Mœsia secunda & Scythia sub Vicario Thraciæ. Hæc adeo clara sunt, vt ad Notitiam Ciuilem huiusce Diœcesis plusquam satis sint.

XIII.
CELEBRIORES
ECCLESIAE GRÆ-
CIÆ A B. PAVLO
INSTITVTÆ.
b 2. Ad Tim. 4.

Nunc de Ecclesiastica dicere tanto vtilius, iucundiusque erit, quod Illyricum illustrius theatrum fuerit gloriæ magni Pauli Apostoli, & quasi stadium in quo ita strenuè decertauit, vt iusta ratione potuerit effari^b: [Bonum certamen certauit, cursum consummaui, fidem seruaui, de reliquo reposita est mihi corona iustitiæ.] Siquidem maiorem partem Ecclesiarum vel saltem celebriores per Græciam ipsemet instituit, scilicet Atheniensem, Thessalonicensem, Corinthiensem & Philippensem, vt in Epistolis quas ad eas scripsit testatur: [Ego, inquit ad Corinthios^c scribens, plātaui, Apollo rigauit, Deus autem incrementum dedit.] Et ad Thessalonicenses^d: [Euangelium nostrum non fuit ad vos in sermone tantum, sed & in virtute & in Spiritu sancto.] Et infra: [Ita vt facti sitis forma omnibus credētibus in Macedonia & Achaia: à vobis enim diffamatus est (hoc est divulgatus) sermo Domini, non solum in Macedonia & Achaia, sed & in omni loco fides vestra, quæ est ad Deum, profecta est.] Item ad Philippeneses^e: [Scitis autem & vos Philippeneses, quod in principio Euangelij, quando profectus sum à Macedonia, nulla mihi Ecclesia communicauit in ratione dati & accepti, nisi vos soli, qui & Thessalonicam semel & bis in vsum misistis.] Deniq; & Atheniensibus Euangelium prædicauit, teste Luca^f Euangelista, qui tunc inter eos nomen suum Christo dedisse Dionysium Areopagitam asserit, quem postea primum Atheniensem Episcopum creatum fuisse scribit Eusebius^g. Ab his Ecclesijs magno lumine fidei & gratiarum abundantia imbutis, Christiana religio per vniuersam Græciam vicinasque prouincias diffusa est: cumque aliarum matres fuerint, etiam pro Metropolitibus iusta cum ratione primis sæculis habitæ sunt. Vnde & de singulis aliquid dicere planè conueniens est.

XIV.
THESSALONICA
METROPOLIS, ET
SEDES PRIMATIS.
h Strabo lib. 7.

A Thessalonica ducam initium, quam sic describit Strabo^h: [Post Axium flumen Thessalonica vrbs est, prius Therme dicta, à Cassandro ædificata. Is de nomine

e Ad Phil. cap. 4.
f Act. cap. 17. & vlt.
g Euseb. hist. Ecclesiastica lib. 3. cap. 4.
h Strabo lib. 7.